

vor uns und alle unse nakomelinge allen de on sehen horen edder lesen, so also de edele greve Olrick von Reinsten bekennet mit synem open breve, dat mit synem willen vorsat is de vogedige to Quedelingborch vor twehundert und vertich lodige marck Halbr. wichte und were und de lehen an der steynmolen to Quedelingborch buten der muren vor twehundert lodige mark Halbr. weringe unsen leven getruwen dem rade und unsen borgeren gemeynliken beyder stede Quedelingborch und wesse an maldern renten und tinsen dar anne hebben na uthwisinge orer breve, also de sulve greve Olrick to lehene hadde van dem hochgeborne fursten hertogen Roleve to Sassen, des de genante unse rad der genanten herschap van Sassen und van Reynsteyn vorsegelde breve hebben. To diszer vorsettinge hebbe we vorgeante Alheyd von Isenburch also eyn overherschop unse vulbord und willen to gegeben, und bekennen den benomeden unsen borgeren to Quedelingborch so vele geldes dar ane also vor gescreven is, und willen des ore were wesen wur on des not is, de wile de genante vogedige und steynmole van one nicht geloset wert. Und des to eynem waren bekentnisse so hebbe we ergenante Alheyd van Isenburch unse ingesegel dat grotiste nedder hengen laten an diszen brieff nach Christi unses heren vertenhundert und an dem twe und drittigisten jare an dem sonavende unse leven frouwen dage lechtmissen.

Copie im Copialbuch der Stadt Quedlinburg Bl. 35<sup>b</sup>.

Gedruckt bei Erath 720.

**324.** *Henning und Dietrich Hindernisse, Brüder, Bürger zu Quedlinburg, quittiren dem Grafen Ulrich von Reinstein über 100 schwarze Mark Quedlinburgisch von der ihnen an seinen Dörfern Frohse und Nachterstedt verschriebenen Summe. 1432. April 13.*

Ik Henningh unde Diderik Hindernissen broder, wonhaftich in der Nigen Stad tho Quedelingeborch, unde unse erven bekennen witliken in craft dusses opene breves vor allen luden de on seen horen edder lesen, dat sik de edele here Olrik greve to Reynstein in der jeghenwerdicheit der ersamen borghermester unde radman der stad to Quedelingeborch mit uns in goytlicheyt vorenet unde wol to dancke vordraghen heft umme hundert swarte mark Qued. werinngge van der summen, de hee uns an sinen dorpen Vrose unde Nachterstede vorsecreven vorbrevet unde vorseghelt heft. Dusser vorgeanten summen geldes, hundert swarte mark Qued. werinngge, reden unde segghen we eirgenante Henningh unde Diderik Hindernissen unde unse erven dem vorsecreven hern Olrike greven to Reinstein unde sinen erven nu mer in tokomende tiden quid leddich unde los. Des to tuchnisse unde merer wissenheyd hebbe we vorghescreven Henningh unde Diderik Hindernissen dem upgenanten hern Olrike greven to Reinstein unde sinen erven myn. Henningh Hindernissen, inghesegel, des ik Diderik Hinder-